



ЧІНЪ ОУМОВѢНІА НОГЪ В ВЕЛІКІЙ ЧЕТВЕРТОКЪ

Бывает литургіа Великаго Василиа, во свое время по чину.

По заамвонной же молитве архиерей омывает нóзе по чину сіце.

Исходит царскими двѣрьми из олтаря на архиерейское, идеже облачается, место, никім поддержимъ, без посоха, а пред ним несет диакон Святое Евангелие да два диакона несут лахань и рукомойник сребряныя: и диакон полагает Святое Евангелие на аналогии, между предних столпов поставленном. А в то время глаголют протопóp со священники псалом 50: Помилуй мя, Боже, по стихом, кóсно: а на месте поставляют иподиакони кресла, а не кафедру.

Архиерей же возшѣд на место, сядет в креслах, и поставляют пред ним скамейку, покрыту червчатým сукном, а на скамейку ставят лахань с рукомойником, полным воды, на котором положѣн запон кисейный да лѣнтион. А власти, кóим быти в чинú омовения, сидят во олтарѣ по своим местам постепенно.

И ко архиерею приходят протодиакон да диакон и приѣмлют благословение, и из олтаря выводят по два архимандрита, или по два иереа (архимандриты же поклоняются архиерею по чину) и посаждают на уготованном месте по степенем. А в то время певцы поют пятую песнь канона Великаго Четвертка.

Песнь 5, ирмос: Союзом любве связуѣми апóстоли, Владычествующему всѣми, себе Христу возложше, красны нóги очищаху, благовествующе всем мир.

Неодержимую держащая и превыспреннюю на воздúсе воду, бездны обуздавающая и моря востязующая Бóжия Премúдрость воду во умывальницу вливает, ноги же омывает рабów Владыка.

Учеником показует смирения образ Владыка, облакн облагая небо, препоясуется лѣнтием и приклоняет колѣно, рабów омывати нóгн, в Егóже рущѣ дыханіе всех сущих.

Таж стихиры самогласны, умовѣния.

Глас 1: Лѣнтием препоясавыйся и омывый нóги ученикów, Христѣ Бóже, омый души наша помысл и опояши нас союзом духовным, еже творити заповеди Твоея благасти.

Глас 2: Великое благодетельство прияти хотяще, вѣрнии, благоговѣйно честному умовѣнню прнтецем, не плотскую скверну омываяюще, но души же тайно освящаяюще. Христос бо Спас наш, прнзряяй на землю и творяй ю трястися, приклоняет Самого Себе и следам касается брѣнным, на всякую сопротивную силу твердое даруя находѣние. Тому благодарно возопиѣм: изрядный возвышения путь показавый нам — смирение, спаси нас, Блаже, яко Человеколюбец.

Глас 3: Петр благоговѣяше омытнся ногам от Пречистых рук, имиже создан бысть Адам: услыша же: Аще не умою тебе, не имаши части со Мною. Трѣпетом многим содержимъ, вопияше Тебе, Господи: не токмо нозе мой умою, но и рuce и главу. О великих Владычных даров! Общники творит благодати Своя ученики и часть нмети с ними обещавет в неизреченней славе, якоже и в Тайной Чаши рече, новую сию пити с ними в Царствии Небеснем, еяже и нас сподоби, яко милостив и Человеколюбец.

Глас 8: Днесь Неприступный существом дело раба восприят, лентием препоясая, одеваяй небо облакн. Воду вливает во умывальницу, море Черное пресекий. И приклонь колена, начат омывати ноги учеников и отнрати лентием, имже бе препоясан. Егда убо умы ноги учеников, рече им: вы чисти есте, но не вси, знаменуя предающего Его.

Уне тебе баше, Иудо, аще не бы зачался еси во утробе матери: уне тебе баше, предателю, аще не бы родился еси, отчуждение Сына Божия: тебе ради растерзася собрание ученик Христовых и истинный виноград объемлет разбойник распинаемъ: тобою пресечеса градъ, и храм нерукотворенный разоряют беззаконницы. Да аще миро грешныя почитал еси, яко многоценное, како Праведнаго кровь рукама беззаконных предати не ужаснулся еси? Уне ти баше, предателю, аще не бы родился еси, отчуждение Сына Божия.

Слава, и ныне: Дреманием диавольским содержимъ Иуда, усну в смерть. Время бодрствовать, время трезвиться: да стнет сердце, да слезят вѣжди: псалом да поется. Велня бо крепость Креста. Христос при двѣрех, жремая Пасха прииде. Слава Тебе, Господи, слава Тебе.

И егда исполнится число дванадцати учеников, архиерей повелевает единому диакону близ себе на месте стоя на правой стране глаголати сктению:

Миром Господу помолимся.

О свышнем мире:

О мире всего мира:

О святѣм храме сем:

О Великом Господине:

О Богохранимей стране:

О граде сем;

О благорастворении воз духов:

О плавающих:

О еже благословитися и освятитися умовѣнню сему силою и действием и наитием Святаго Духа Господу помоллимся.

О е́же бы́ти е́му на омовѣние сквѣрны согрѣшеній на́ших Господу помóлимся.

О избавнтися нам:

Заступи, спаси:

Пресвятую, Пречистую:

Возглашает архиерей:

Яко Ты еси очищение душ наших, и Тебе славу возсылаем, Отцу и Сыну и Святому Духу, ныне и присно и во веки веков.

Клирицы же: Аминь.

Во время чтения вышеписанныя ектений архиерей и власти сядят на своих местех.

Потом востав един токмо архиерей велегласно глаголет молитву сию:

Боже Преблагій, непристѹпный Божествóм, и́же во зра́це ра́бии служите́ля о́браз восприе́мый и, во изображе́ние спаси́тельного смире́ния, ученико́в Твои́х но́ги пречи́стыма рукама Твои́ма омы́вый и лѣнтием отры́й! При́зри и ны́не на нас недостóйных раб Твои́х, толи́каго Твоего́ снизхожде́ния подража́ющих пресла́вная, и сподо́би плотски́х сквѣрн измы́тися нам и душе́вныя нечистоты́, воды сея́ прикоснове́нием. Дару́й нам Пресвята́го Ду́ха невидимое на́йтие, утверди нас от блюду́щаго на́шу пя́ту зми́я льсти́ваго, да чи́сти бы́вше, послужим благоприя́тно Тебе́, верху́ зми́ев и скорпий и всея́ си́лы вра́жия прехо́дяще.

Яко подобает Тебе всякая сла́ва, че́сть и поклонѣние, ны́не и присно и во веки веко́в.

Клирицы: Ами́нь.

Архиерей глаголет: Мир всем.

Протодиакон же: Главы́ ваша́ Го́сподеви приклоните́.

Архиерей глаголет тайно молитву сию:

Господи Боже наш, показавый нам меры смире́ния в Твоем превысо́ком снизхождении, и последняго изволением перваго наре́к, облагодати́ нас в служении друг другу, вознеси Божественным смире́нием, соблюди́ ны несквѣрны, омы́ваемыя присно слеза́ми, очища́емы просвещением чистите́льныя Твоея́ благодати: да истинною к Тебе́ всегда припа́дающее, обрящем милость и щедро́ты на страшнем Твоем суди́щи.

Возглас:

Яко милостив и Человеколю́бец Бог еси, и Тебе славу возсылаем со Безначальным Твоим Отцем, и Всесвятым и Благим и Животворящим Твоим Духом, ны́не и присно и во веки веков.

Клирицы же: Аминь.

Посем архиерей сядет в кресла своя, протодиакон же, приняв благословение у архиереа, сходит с места и, став против архиереа, возглашает тако:

И о сподобитися нам слы́шания Свята́го Евáнгелиа Го́спода Бо́га мо́лим.

Клирицы: Го́споди, помилуй. [Трижды.]

Паки возглашает протодиакон: Премудрость, прости, услышим Святого Евангелиа.

Архиерей глаголет: Мир всем.

Клирицы: И духови твоему.

Протодиакон начинает чести Святое Евангелие тако:

От Иоанна Святаго Евангелиа чтение.

Клирицы: Слава Тебе, Господи, слава Тебе. Протодиакон: Вондем. *Архиерей же и власти вси сядят. Протодиакон чтет:*

Во время оно, вѣдый Иисус, яко вся даст Ему Отец в рѹце, и яко от Бога изыде, и к Бѹгу грядѣт, востав с вѣчери [сию речь трижды глаголет] и архиерей востает. Протодиакон глаголет: И положи ризы Своя.

Архиерей же сам снимает с себе шапку и отдает диакону, потом снимает панагию и крест, и кладет на кресла, таже омофорий и саккос или ризу и полицу, и кладет на кресла, и никто ему не помогает. Протодиакон же чтет все едину речь: И положи ризы Своя, многожды, дондеже разоблачится: а диаконы стоят у места на нижнем степѣни. Пояса же, поручей и епитрахилиа и подризника не снимает. И взем у диакона шапку, возлагает на главу сам. И прием запон, утверждает сопредѣ един конец за пояс, а другий опускает до ног. Таже приемлет лѣнтион: а протодиакон в то время чтет: И прием лѣнтион, препоясая. И архиерей препоясуѣтся, от левыя руки един конец мало опускает, а другий конец прекидываст от левыя же руки чрез спину на правое рамо, и конец лентиа полагает на левую руку. Протодиакон же чтет все сдину речь: И прием лентиион, препоясая, дондеже архиерей препояшется. Таже протодиакон чтет: Потомже вляя воду во умывальницу. Архиерей же, взяв ручнойник с водою теплою, вливает в лахань крестообразно, малую часть, глаголя втай:

Во имя Отца и Сына и Святаго Духа. Аминь.

Протодиакон чтет вторично туюжде речь: Потомже вляя воду во умывальницу. Архиерей же паки лиѣт крестообразно. Таже протодиакон чтет третично туюжде речь: Потѹмже вляя воду во умывальницу. Архиерей же лиѣт третие крестообразно.

Протодиакон чтет: И начат умывати нѹги учеником и отирати лѣнтнем, ѣмже бе препоясан.

Архиерей идет с места своего иикѣм поддержѣмь, а лахань вземлют два диакона и несут пред ним: и начинает умывати ноги с начала от своего места сущих по левую странѹ до царских дверѣй, и от царских дверей рядом по правую странѹ до Симона Петра, преклоняяся на землю на одно правое колено, возливая воду из ляхани своею рукою на нѹгу трижды, омывает и отирает лентием. И у котораго умѣет ногу, тот целует архиереа в шапку и в руку. А архиерей того в руку же. Архимандриты же сядят в шапках. В то время протодиакон чтет все едину речь: И начат умывати нѹги учеником и отирати лѣнтнем, ѣмже бе препоясан.

И егда архиерей умѣет триѣм нѹги, протодиакон чтет: Потѹм вляя

воду во умывальницу. **Архиерей** паки возьмет рукомойник и лиет воду в лахань по прежнему трижды крестообразно. **Протодиакон** чтет, якоже и прежде: И начат умывати ноги учеником и отнрати лентиом, имже бе препоясан. **Архиерей** же паки умывает ноги еще трием. Сие бывает на четыре статьи.

Егда умыет ноги единонадесяти, тогда приходит к первому архимандриту: и протодиакон чтет: Прииде же к Симу Петру, и глагола ему той: **Архимандрит**, востав, глаголет: Господи, Ты ли мой умыеши нозе? **Протодиакон** чтет: Отвещая Иисус и рече ему: **Архиерей** глаголет: **Еже** Аз творю ты не веси ныне, разумеши же по сих.

Протодиакон чтет: Глагола Ему Петр: **Архимандрит** глаголет: Не умыеши ногу моею во веки. **Протодиакон** чтет: Отвещая ему Иисус:

Архиерей отвечает: Аще не умую тебе, не имаша части со Мною.

Протодиакон чтет: Глагола Ему Симон Петр: **Архимандрит** глаголет: Господи, не нозе мой токмо, показуя свои руки: но и рuce, паки показуя рукою своею на главу, и главу, и сядет архимандрит.

Протодиакон чтет: Глагола ему Иисус:

Архиерей отвечает: Измовенный не требует токмо нозе умыти: есть бо весь чист, и вы чисти есте, но не вси.

И оmyвает ноги архимандриту.

По умовении же ног восходит архиерей на прежнее место, где разоблачашеся, никим поддержимь, а диаконы пред ним несут лахань с водою и поставляют на прежнем месте, на уготованной скамии. Возшед же на место, снимает с себе лентион и запон, а протодиакон дочитает Святое Евангелие сице: Ведяше бо предающего Его, сего ради рече: яко не вси чисти есте. **Клирицы**: Слава Тебе, Господи, слава Тебе.

Паки начинает протодиакон: Премудрость, прости, услышим Святаго Евангелиа, **и**: От Иоанна Святаго Евангелна чтение, **и**: Вондем, **и** чтет: Во время оно, егда умы Иисус нозе учеником, прият ризы Своя: **Архиерей** же облачается сам во все облачение прежнее, и никто ему не подает, а протодиакон чтет едину речь, прият ризы Своя, многжды, дондеже облачится, **Таже** протодиакон чтет: **Возлег** пакн. **Архиерей** сядет в креслах. **Протодиакон** чтет: Рече им: **и** подносит ко архиерею Святое Евангелие, **Архиерей** же, сядя в креслах, дочитает Евангелие, влаstem всем в то время стоящим:

Весте ли что сотворих вам; вы глашаете мя учителя и Господа: и добре глаголете, есмь бо. Аще убо Аз умых ваши нозе, Господь и учитель: и вы должни есте друг другу умывати нозе. Образ бо дах вам, да якоже Аз сотворих вам, и вы творите. Аминь, аминь, глаголю вам: несть раб боли Господа своего, ни посланник боли пославшаго Его. Аще сия весте, блажени есте, аще творите я.

И, прочтет, **восстает** и глаголет во услышание всем молитву сию:

Господи, Боже наш, иже по мнозей милости Твоей истощивый себе и зрак раба приемый, иже во время спасительныя и животворящия и вольныя твоя страсти вечеряти изволивый со святыми Твоими ученики и апостолы, и посеем лентиом препоясавый Себе и умывый ноги учеников, образ дав им смиренномудрия и любви еже друг ко

другу, и рекий: якоже сотворих вам, такожде и вы творите друг другу! Сам и ныне, Владыко, посреде недостойных рабов Твоих, иже Твоему образу последующих, пришед омый всякую скверну и нечистоту душ наших, да отмывшее прилепившийся нам от согрешений прах и лентием любвѣ друг друга отершее, возможем благоугодити Тебѣ вся дни живота нашего и обрести благодать пред Тобою.

Яко Ты еси благословляй и освящай всяческая, Христе Боже наш и Тебе славу возсылаем, со Безначальным Твоим Отцем, и Всесвятым и Благим и Животворящим Твоим Духом, ныне и присно и во веки веков. Аминь.

Таже архиерей входит во святыи олтарь, и совершается служба по чину.